

北洋官報

本局第九十三期法政學報已出

宮門抄

上諭

交旨

奏議◎度支部奏酌擬清理財政處各項章程摺

公牘◎督憲札一件△沙河縣稟一件△容城縣稟一件

△董事會移一件

文告五則△電報六則△新聞十六則

彙編◎憲政編查館奏定統計表總例

宮門抄

閏二月初三日 民政部 都察院 正黃旗值日 慶王等 孫中堂各謝議叙 恩 瑞良 孫寶琦

甘大璋准其給廢各謝 恩 林紹年調補民政部右侍郎謝 恩 延康續假十五日 善豫假滿請

安 召見軍機 肅王 林紹年 甘大璋 吳士鑑 都察院遞封奏二件

諭

閏二月初三日內閣奉

上諭倉場侍郎著俞廉三補授欽此

上諭左翼總兵著鶴春署理欽此

上諭都察院奏現屆舉行京察之期謹將聲名平常未孚衆望之員據實叅劾一摺給事中李灼華雲南道御史
傳書掌浙江道御史常徽均著回原衙門行走欽此

交

旨

閏二月初三日 軍機大臣欽奉

諭旨欽天監奏選擇

崇陵興工吉期一摺著於閏二月十七日敬謹興工欽此

諭旨都察院奏代遞吏部員外郎黃允中條陳立憲期近學務有關憲政敬擬管見呈一件著學部知道欽此
諭旨都察院奏代遞廩生趙榮章等移墾實邊條陳一件著農工商部知道欽此

奏議錄要

度支部奏酌擬清理財政處各項章程摺

奏爲酌擬臣部清理財政處各省清理財政局辦事章程繕單恭摺仰祈

聖鑒事上年十二月臣部奏定清理

財政章程第二條內開臣部設立清理財政處各省設立清理財政局專辦清理財政事宜又第三十四條內開臣部清理財政處各省清理財政局辦事章程另行詳訂等因各在案現當籌備憲政之際財政所關百端待理自應將臣部清理財政處各省清理財政局即行遵章設立以便從事清理而該處該局所辦事項尤應明定章程俾資遵守臣等公同商酌悉心釐訂謹酌擬臣部清理財政處辦事章程十三條各省清理財政局辦事章程二十七條繕具清單恭呈 御覽如蒙 俞允臣部即遵照章程切實辦理並請 明降諭旨飭下各省督撫一體遵

照此次奏定章程趕緊派員設局刊給關防以重職守迅將開局日期專案奏明開具局員職名酌擬辦事細則咨報臣部立案至該局開辦以後應責成總辦會辦等遵照章程將全省財政情形出入確數切實查核逐項梳櫛澈底澄清其各衙門局所向來開支各款查有可裁可減之處務須核實撙節以資挹注庶幾試辦預算得所措手而清理財政亦可冀收實效除各省監理官另行遴選請 派外所有酌擬臣部清理財政處各省清理財政局辦事章程緣由理合恭摺具陳伏乞

皇上聖鑒謹 奏宣統元年二月三十日奉

上諭已錄

謹將酌擬臣部清理財政處辦事章程繕具清單恭呈

御覽

第一章 總則 第一條 清理財政處遵照

奏定清理財政章程第三條所定職任專辦清理財政事宜 第二章 設員分職 第二條 清理財政處設提

調幫提調總司清理財政事宜設總辦幫辦分管清理財政事宜一切呈由堂官核奪 第三條 清理財政處分

科如左 一總務科 掌稽核各項清理財政章程頒發調查條款彙錄各項說明書及各處預算決算報告冊編

成總冊 二京畿科 掌核辦在京各衙門各旗營順天府屬及直隸熱河察哈爾等處出入款項之按年按季報告及預算決算報告 三遼瀋科 掌核辦奉天吉林黑龍江三省之報告 四江贛科 掌核辦江蘇安徽江西三省之報告 五青豫科 掌核辦山東河南兩省之報告 六湘鄂科 掌核辦湖南湖北兩省之報告 七閩浙科 掌核辦福建浙江兩省之報告 八粵桂科 掌核辦廣東廣西兩省之報告 九秦晉科 掌核辦陝西山西及庫倫綏遠歸化烏里雅蘇台科布多阿爾泰等處之報告 一甘新科 掌核辦甘肅新疆及伊犁塔爾巴哈台西甯等處之報告 十一梁益科 掌核辦四川雲南貴州及西藏等處之報告 十二收掌科 掌收發公文呈遞摺件管理案卷編輯目錄並經理雜務 以上十二科各設總核一員坐辦行走無定員分理本科事務除收掌科外各科總核坐辦行走以通曉算法及熟悉所管省分財政情形者為合格其在總務科者以明曉財政學理者為合格 第四條 清理財政處設書記員無定員掌各種繕寫事件以善書為合格 第五條 清理財政處設諮議官無定員以明達財政學理及熟悉各省財政情形者遴選派充以便諮詢籌議 第六條 清理財政處遇有重要事件由提調會同幫提調總辦等邀集諮議官協同妥商辦理 第七條 清理財政處提調總辦幫辦各科總核應以每星期六為會議定期有要事則開臨時會議會議時以領銜提調為議長由議長約訂二員為記錄提議事件以多數贊成為議決議決後記錄員退擬節略以備核奪如遇領銜提調因事不能與議即以其次提調幫提調為議長 第八條 清理財政處應分別各員差事酌給公費以資辦公提調幫提調總辦幫辦諮議官原係有公費者概不再支其各科總核坐辦行走及書記員如係原有公費人員兼充者照章減半支給 第三章 職務及權限 第九條 清理財政處應辦事項以奏定清理財政章程第三條所定職任為範圍凡在所定職任範圍內者仍由各司辦理大要如左 一凡關係清理財政一切新章均由清理財政處核訂 二在京各衙門及各省清理財政局造送光緒三十四年出入款項報告冊暨宣統元年以後出入款項按季報告冊及說明書均由清理財政處核辦 三自宣統二年起京外各處造送次年預算報告冊又自宣統四年起京外各處造送上年決算報告冊均由清理財政處會同各司核辦 至奏定章程第七條所稱自光緒三十四年至宣統二年底止各省出入款項現行案報銷冊應由各司辦理冊到時即行移知清理財政處按照清理財政處所管各季

報告册彼此核對以免歧異各省清理財政局未成立各局報告册未送到以前所有光緒三十四年現行案報銷册業已到部者由各司先行核辦仍於核覆後知照清理財政處備案 第十條 清理財政處附查各司事件各該司應於五日內聲覆如有款項較多應詳細核算者於十日內聲覆其必須酌展期限者商明清理財政處酌量辦理仍不得逾二十日清理財政處應行查核各司事件亦同 第四章 附則 第十一條 清理財政處開辦之初事務尚簡應暫行先設總務收掌二科總核各一員總務科坐辦四員收掌科坐辦二員行走無定員書記員六員其京畿等科均俟事務加增時酌量派員至該科未經派員以前所有各造送之報告册均暫由總務科核辦 第十二條 清理財政處於宣統五年試辦全國預算案成立日再行酌量情形奏明裁改 第十三條 清理財政處辦事章程未盡事宜應隨時酌量條改

謹將酌擬各省清理財政局辦事章程繕具清單恭呈

御覽 第一章 總則 第一條 各省清理財政局

遵照奏定清理財政章程專管清理各該省財政事宜由度支部會同各省督撫督飭辦理 第二條 清理財政局有稽覈全省出入確數改良收支方法及調查該省財政一切沿革利弊之權 第二章 設員分職 第三條

清理財政局設總辦一員主持該局一切事宜以藩司或度支使充之會辦無定員協同總辦管理該局一切事宜以運司關鹽糧等道及現辦財政各局之候補道員充之 第四條 清理財政設正監理官一員副監理官一

員稽察督催該局一切應辦事宜由度支部遴員奏派以二年為任期任滿後亦可酌量留任 監理官在任期內該省不得派充他項差事期滿後該省督撫亦不奏留 各衙門局所出入款項有造報不實而該局總辦等扶同

欺飾者並該局有應行遵限造報事件而該總辦等任意遲延者准監理官逕稟度支部覈辦 度支部於各省財政遇有特別事件經飭監理官切實調查如各衙門局所有抗延欺飾者照清理財政章程第九條辦理 第五條

清理財政局分科如左 一編輯科 掌編訂各項收支章程及各項說明書並各項簿式票式册式 二審覈科 掌稽覈各衙門局所送各項出入款項清册及各項報告册並彙編全省按年按季報告總册全省預算決

算各報告册 三庶務科 掌該局一切出入款項及公牘案卷各事宜 以上三科各設科長一員科員無定員稟承總辦會辦監理官辦理該科一切事宜由該局遴派該省曾習法政人員充之 第六條 清理財政局應設

書記專司繕寫由該局按事繁簡酌定名數以舉貢生員充之不得參用胥吏 第七條 清理財政局設議紳無定員以備諮詢由該局遴聘通曉該省財政情形之公正紳士充之 第八條 清理財政局會辦須有一員常川駐局監理官及科長科員書記均須常川駐局監理官如由部派各省分行總辦造幣分廠會辦等人員兼充不能駐局者須常川到局 其不駐局之總辦會辦應隨時到局會同駐局會辦及監理官考察辦事人員賢否勤惰暨商榷該省財政一切興革辦理 議紳不必常川到局但須隨時聲覆清理財政局諮詢事件並陳述該省財政一切事宜其於各衙門局所出入各款確知其中情弊者得隨時指實具報候局查覈 第九條 清理財政局總辦會辦監理官應每月會議數次每年開特別會議數次以總辦爲議長 會議時總辦會辦監理官均須與議但會辦各道之駐紮省外者可於特別會議時到局 第十條 清理財政局於左列事項須經總辦會辦監理官議決後由總辦執行 一議決該省財政一切應興應革事宜 二覆核各衙門局所各項按月報告冊及按年出入款項清冊 三審訂一切財政新章 四審訂全省預算決算報告總冊 五核辦各議紳陳述具報各項事宜

第三章 職務 第十一條 清理財政局應遵照清理財政章程第八條將該省光緒三十四年各項收支存儲銀糧確數按款調查編造詳細報告冊並盈虧比較表送部查覈 前項調查條款由度支部開列綱要其詳細條目應由該局酌量辦理總以確實詳明爲主 第十二條 清理財政局應遵照清理財政章程第十一條自宣統元年起造送該省各季出入款項報告冊其清理財政局未成立以前各衙門局所出入款項一律查明遵章造冊補報 清理財政局開辦時應由督撫督同該局總辦會辦及監理官親蒞司道局庫盤查一次將存儲實數查核明確造冊報部 第十三條 清理財政局應遵照清理財政章程第十條將該省財政沿革利弊編訂詳細說明書送部查核 第十四條 清理財政局應遵照清理財政章程第十四條第二十三條造送全省預算決算報告總冊依限到部 前項預算報告冊應遵用度支部頒發冊式並須於每類附上年出入數目以爲比較 第十五條 清理財政局應遵照清理財政章程第四條第四項擬訂該省藩運道局各庫及旗庫收支章程並各項收入流水簿式支出流水簿式收入總簿式支出總簿式收支對照表式及各庫收支票式丁漕鹽課關稅釐金各種雜稅徵收票式 前項收支章程及各項簿式票式由局擬訂後送部覆核咨由督撫頒布施行 各項徵收票除存

該署或該局及給納稅人收執外應以一聯繳存清理財政局備查 第十六條 清理財政局應調查該省各項徵收慣例擬訂丁漕鹽課關稅釐金及其他雜稅等項改良徵收章程 清理財政局擬訂前項徵收章程應斟酌該省情形逐條詳加按語送部核定奏請頒布施行 前項徵收章程得由清理財政局酌量該省情形分年辦理

第十七條 清理財政局應照部頒預算決算報告冊式分別編訂各項出入款項冊式呈由督撫發交各衙門局所按式填送 各衙門局所按年填送各項出入款項清冊須於每類附上年出入數目以爲比較 第十八條 清理財政局應遵照清理財政章程第二十七條調查各衙門局所公費等級表並附各項規費多寡表送部查覈 第四章 權限 第十九條 清理財政局遇有重大事件除隨時詳報該管督撫外得由總會辦會同監理官逕稟本部 第二十條 各衙門局所對於清理財政章程第三十條第二項辦理 第二十一條 各衙門局所造報理如遇應行報局事件任意逾限者按清理財政章程第三十條第二項辦理 第二十一條 各衙門局所造報出入款項到清理財政局如查有虛捏情弊確據由局將該管官員詳請督撫從嚴參處 第五章 獎叙及懲罰 第二十二條 清理財政局如辦理確有成效該局總辦會辦由度支部會同督撫奏請從優獎叙局中辦事各員亦得分別異常勞績酌量保獎其部派監理官由度支部按照異常勞績奏請獎叙各局辦理成效以出入款項調查明確造報事項無誤限期者爲斷應遵照籌備憲政年限於宣統三年度支部彙查全國歲出入確數後將各該局辦事人員保獎一次再於宣統五年試辦全國預算案成立後保獎一次 第二十三條 清理財政局於應行造報事件任意逾限者除遵照清理財政章程第十三條將總辦之藩司或度支使由部據實奏參外其會辦司道一併參處若監理官督催不力輕則撤換重則奏參 第二十四條 清理財政局造送各項報告冊如有不實者查有確據由部將該局總辦據實分別參處若監理官扶同弊混查實嚴參 第六章 經費 第二十五條 清理財政局辦公經費由該省司庫籌撥准其作正開銷 第二十六條 清理財政局總辦會辦及議紳均不支薪水監理官薪水川資及出省調查費用由本部給發科長科員及書記生應給薪水由該局於辦事細則內自行酌定 第七章 附則 第二十七條 各省清理財政局辦事細則由該局擬訂呈請督撫核准施行報部備案

督憲楊准稅務大臣咨德國軍隊改由水路回國所帶軍器准其免稅札飭津海關道查照文
爲札飭事准 稅務大臣咨開案查德國駐北洋軍隊由關外鐵路回國所帶軍裝器械等件准免稅一事前准外
務部來咨當經本處分行轉飭沿途各關遵辦在案茲復准外務部咨稱又准德使函稱此項官弁兵等現經改由
水路前去一半於本月二十九日搭德國公司輪船克來司特自上海放洋他半於閏二月十三日乘德國輪船普
林司路德維亦由上海放洋請轉飭海關各官俾此項官軍軍裝器械等件得以免稅出口等語查德國駐北洋軍
隊既改由水路先後回國所請免稅一節自可照准應咨行查照轉飭遵辦等因前來除劉知署總稅務司外相應
咨行貴督查照飭遵可也等因到本大臣准此合行札飭札到該道即便查照辦理

沙河縣雷令其源稟整頓警務更換巡官開辦傳習所請查核文並批

敬稟者竊維巡警原爲保安民居倘辦理不善非特無益而且有損卑職自去年十一月二十六日到任查沙邑
巡警卑前縣文令元創之於先陳令惟庚繼之於後文令自光緒三十二年夏間招募巡警五百零三名責成城鄉
村正副收斂糧食充給兵餉三十三年冬間陳令抵任因鄉民所攤兵餉有認捐未給者有少派多斂者隨議定每
地一畝每年捐交制錢四十文分上下兩忙交納一面將前辦巡警五百零三名查內有不堪造就者概行裁撤擇
其年力精壯者挑選二百名送傳習所分班學習兩月後畢業派充差使當將辦理巡警並裁兵各情形稟明 憲
鑒在案茲卑縣巡警按章辦理者固不乏人而因循敷衍者亦復不少不力加整頓殊不足以圖進境現擬二月間
先開傳習所仍以警務畢業生孫占彪充膺教習於原有巡警之外招募一百名入所學習作爲速成班限一月畢
業以便隨時挑補該巡兵飯食每名每日津貼制錢六十文即在所內食宿由卑縣學堂煤釐項下開支其兵餉原
辦每名月給制錢三千六百文不分等第自應分爲一二兩等一等每人每月薪餉制錢三千六百文二等三千一
百文察其勤惰以爲升降其所裁兵餉儘數積聚發商生息以備荒歉不足巡官張德馨本非警務出身不便濫竽
其間自當撤差查有卑縣王千總增耀才長心細辦事勤能前署縣文令原係稟明襄辦巡警嗣王千總講求警務
赴大名巡警學堂窮力研究由大名畢業調署邢台汛官三十三年冬仍回沙河本任於警務頗有心得堪以兼充
警差以補張德馨位置庶幾巡警收效地方獲福除再督飭巡官認真辦理外所有卑縣整頓警務更換巡官開辦

傳習所緣由是否有當理合稟請 大帥查核俯賜批示祇遵實爲德便肅此具稟恭請 勛安伏乞 垂鑒
督憲楊 批據稟已悉查各屬巡警傳習所應遵部章改爲教練所仰警務處轉飭遵照認真辦理務收實效此繳

容城縣牛令桓稟警董辦理巡警著有成效請獎文並批

敬稟者竊維辦理巡警貴在得人而懋賞酬庸庶資鼓勵查卑縣地方瘠小四鄉巡警劃分四區總局設立城內共
招募巡兵一百三十一名業經卑前縣劉令與連令先後稟明在案惟城內總局爲各區首領必須規模宏大體制
合宜其一切操法尤應認真訓練以爲之倡卑前縣整理兩年以來四鄉觀感著有成效卑職於光緒三十四年八
月間抵任後復經督飭警紳兩董並巡官區長等遵照警章竭力整頓經理不時仍由卑職傳諭各區巡長率領巡
兵來城調操親臨驗試該巡丁等操法諸練步武整齊尙有可觀伏思巡警爲治內之根本計自開辦以來盜賊斂
跡圍圍安堵惟該董等精心擘畫力爲訓誨日夜辛勤不無微勞足錄似應擇尤請獎擬懇 憲恩將該警董馬鳳
池紳董周桐軒巡官范自新區長郭汾池賞給五品獎札又警董候選知縣郭文瀾五品頂戴楊國楨區長曹晉彭
清祥張潤芳賞給六品功牌郭文瀾楊國楨六品功牌據請移獎該子姪楊紹忠郭桐以示鼓勵而昭激勸除仍督
飭該董等切實經理訓練外理合稟請 大帥查核俯賜允准並請獎札六品功牌一併隨批下縣以便分別轉給
實爲公便肅此具稟恭請 勛安

督憲楊 批據稟已悉仰警務處核明覆奪此繳

天津縣董事會移天津縣請飭查淤地租價文

爲移請事案查海河裁灣取直河淤地畝前經 督憲批准變價充作自治局經費嗣交由議事會查明碍難變價
請交董事會辦理招租開墾移經前縣台據情詳蒙府憲批示如詳辦理仰即轉移議事會查照等因即由議事會
將此案全卷移交敝會辦理各在案茲查李家樓蠻子營柴新莊北羊馬頭桃源沽小辛莊等處淤地前經各該村
人認墾歷年在貴署交納地租撥充勸學所常年經費現在海河裁灣淤地交由敝會辦理招墾收租議董兩會與
勸學所劃分權限辦學公款亦須移交敝會經理此項李家樓等村淤地自應撥由敝會收租以歸一律擬請縣台
飭承查明李家樓等六村淤地若干畝詳爲示覆並請備案自本年起所有李家樓等六村淤地租價即由敝會催

繳仍充勸學所常年經費俾收直接劃一之效除另函知照勸學所外相應將李家樓等村海河淤地請撥歸敝會收租緣由備文移請縣台查照見覆施行須至移者

文告錄要

督憲批示錄要○獲鹿縣嚴令書勸稟戒烟局量移東關設立另訂章程由 批稟摺均悉仰禁煙局查照飭知繳

○獻縣和令紳布稟請春撫銀兩由 批據稟已悉仰賑撫局核明辦理飭遵具覆繳○固安縣屠令元豫稟紳

董辦學出力請獎由 批稟摺均悉該紳李芳園等辦理學務出力應否如擬給獎仰提學司查照核擬詳辦繳

藩台批示○署永平府教授吳昶稟報改就直隸州州判歸部選用遺缺委試用訓導王人哲署理○委署懷來縣

教諭沈芝在籍患病遺缺委試用教諭劉克仁署理

學台批示○北洋法政畢業業吳杰等稟法政畢業提案請咨註冊輪委署缺一案 批稟悉候據情移會藩司察核

飭遵此批

津浦鐵路北段總局批示○商人陶光裕等稟請轉運鐵路物料由 批據稟已悉本路轉運道木鋼軌等件由津

至德現已有人承辦其山東迤南轉運應候本總局臨期再行酌奪此批

清苑縣告示○我國教育年來頗有蒸蒸日上之勢進步之猛世界各國爲之詫歎然謂爲盡善盡美恐未必然今

有美國饒君游歷來華視察學務欲以其所調查之情形布告我學界亦友邦忠告之意定於閏二月初一日晚

七點至八點借准軍公所演說務望學界諸君是日早臨藉他山之助謀遷善之方學務改良有厚望焉

電報錄要

路透電○英國提議海軍問題頗爲注重據駐威靈敦(英屬紐錫蘭島京)訪員報告紐錫蘭政府擬從速提撥建

造德瑞納提號式大戰艦之費以及他項要需澳洲首府府尹與內閣各大臣提議送與英國大戰艦一艘以便

保護祖國利權

又電○中國專使唐大臣現在覲見奧皇

又電○美國布蘭氏仍留駐日公使之任

又電○美國新總統戴夫德氏與首相克納克斯氏財政大臣馬克威氏財政總議員阿爾德氏會議改訂關稅問題阿爾德氏極言茶稅決不能實行

柏林電○奧外部大臣阿蘭沙爾男爵與英國駐奧公使會議近東交涉辦法所議各條不知俄塞兩國能認可否又電○布加利亞國現仍反對塞國

新政紀聞

政治

分配初選當選人○蘇省分配議員額數前經籌辦處詳請撫院電飭遵辦茲該處將各屬初選當選人代為分配計蘇府共得一百十人以除選舉人總數每九十三人得一太湖得四靖湖得一長洲得十二元和得十二吳縣得十九吳江得十五震澤得十一常熟得十三昭文得八崑山得八新陽得六松府共得一百五十人以除選舉人總數每八十六人得一川沙得五華亭得十五婁縣得十八奉賢得十二金山得八上海得四十四南匯得二十六青浦得二十二常府共得二百十人以除選舉人總數每九十人得一武進得三十二陽湖得二十八無錫得二十九金匱得三十宜興得二十三荆溪得十六江陰得三十三靖江得十九鎮府共得一百十人以除選舉人總數每九十二人得一太平得四丹徒得二十八丹陽得三十四金壇得二十溧陽得二十四太倉共得八十人以除選舉人總數每八十九人得一本州得十二鎮洋得九崇明得二十二嘉定得二十四寶山得十三至京口駐防專額議員二名應出初選當選人二十名則附入鎮江丹徒投票業已分別電致各府州縣知照矣

宣示設昌言廳之宗旨○魯撫袁中丞近出牌示云照得本部院自上年冬月起設立昌言廳聽民間自遞陳說凡關係地方公共事宜分別可否批行議覆斟酌施行蓋不特可以補本部院之闕失並可以覘多數人民之知識其有指陳各處牧令政績之賢否亦必詳加查考斷非憑一紙呈詞即遽行黜陟其關係個人之事即概不准理以清界限似此辦理自謂有百利而無一害矣乃近有一部分之人或以爲不便慄慄自危遂肆簧鼓甚至以爲禹拜昌言不宜夔用然則舜爲大孝舜以外皆不應大孝耶近閱報載 攝政王於邸第設一信櫃聽人投詞以周公吐握之勤屈己求言尙如此其亟本部院自維寡陋遠師大聖近法哲王所以宣上德通下情良非無裨本

部院敢爲各屬僚及紳民人等正告曰諸君苟無一事不可對人言則不虞之舉固未必動人即求全之毀亦可以相諒是非常質諸己而不必問諸人若其掩飾爲工徒冀蔽塞他人之聰明爲一己藏身之固本部院自有察吏之責苟告者之非過自好惡之必公毋庸總總過慮也除分行外爲此牌示一體遵照毋違特示

軍政

飭報軍政武員履歷○陸軍部日前通咨各旗營將本年應行軍政人員出身履歷造冊送部以便查核
部委陸軍中學提調○陸軍部現因江南陸軍第四中學堂已屆開辦之期該學關係軍政甚爲緊要已於日前特行札委本部二等檢查官張鴻緒充當該堂提調稽查一切以昭慎重云

咨請位置振武退校生○鄂督刻准駐日大臣咨開振武學校學生前因與該校齟齬一百七人同時退校嗣經迭次磋商復行入校並電達陸軍部核准在案惟查有蕭鍾音劉家敬柳大經梁明麟李良荃等八名與該校情意未洽不宜重復入校因令各向本省另圖學業茲有湖北學生李良荃不日起程回國該生等力學有年學識尙可應請查核本人程度量予位置云陳筱帥以該生等既未卒業應令就學俾有所成特札飭提學司暨教練處遵照辦理

民事

通飭禁煙局添稽查員○禁煙王大臣以各省州縣往往於禁煙一事不甚注意以致紳民亦不認真戒斷各省城雖有禁煙局而鞭長莫及特飭各省禁煙局增添稽查員專司赴鄉考查報告總局以杜敷衍而期早日禁絕云
草議私種煙苗條例○禁煙王大臣以禁煙功令日急應會商法律大臣定擬私種煙苗之律聞其大致之草議係擬如民間私將地畝偷種煙苗者即按照盜種他人田地之成律變通辦理定擬一畝至十畝應答若干每十畝加一等直至流徒爲止不嫌嚴苛云

上海貧兒院舉定職員○上海貧兒院於上月二十三日午後由各發起人在該院集議開辦方法乃推舉職員到院與議者不下數十人盛宮保因疾未到周君金箴施君子英陳君潤夫朱君葆三李君平書焦君樂山黃君公讀郁君屏翰雷君吉安等均先後蒞止准時開會舉定周君爲總董施君爲院長次由焦君提議建造御匾

廳事獨認銀三千兩次由雷君提議演劇助款事均各釐成最後研究章程設法籌款

實業

藝徒學堂之裁併○奉天提學司所屬之藝徒學堂開辦年餘未見成效且經費不多成品不銷頗難持久現經該堂監督稟請停辦將堂中器具一切及學生五十餘名一併咨送勸業道所隸之工藝傳習所惟中有縫紉學生三名以工藝傳習所中並無縫紉一科另行咨送民政司所屬之貧民習藝所肄業聞於本月初各學生即可一律就學云

籌辦貧民習藝所○奉天鐵嶺巡警商會組織貧民習藝所一節茲悉巡警商會紳董日前進謁該縣徐大令提議此事磋商辦法大令甚為提倡擬在縣署對過馬班前面獨一處飯館舊址再加擴充修立習藝所所有犯人入所習藝出入以便稽查並聞前任縣令籌有的款千餘元諒此事不難成立云

鄂省派員勸農○鄂督陳夔龍以近來鄂屬鄉民多趨重工業不以農務為重田畝荒蕪致失天然之利實於民生有礙特飭勸業道鄒履和委派農科正副長赴各屬省耕勸農演說開導並令會商紳士紳設立農會以資提倡

路礦

派員查勘礦產○安徽廣德州牛頭山礦產素稱饒富前經江督迭次派員查勘迄無把握現因江蘇候補道于德懋因公赴贛道經皖省聞端午帥特札該道帶同日本礦科畢業生謝佑生前赴廣德州覆勘詳細繪圖稟覆以憑酌核辦理並咨請朱經帥札飭廣德州一俟該員到境務即妥為照料隨同會勘

集議彙繳路股○浙省湖墅支路已由城北商會牒請公司改正江墅路線曾於上月十七日邀請各商號及業主開會續認路款茲又於二十四日下午二時重行開會先期刊發通告云上年湖墅各商業議請浙路公司改正江墅路線一節當由本會一再備文牒請公司允為重勘改築並轉商各商號暨各業主將已認路款提前早繳續認者互相勸助集有成效分期照繳等因各在案現在大王廟地方已由公司勘定插標指願開工異日路成交通之便利無窮也用特奉告各商號業主諸君希將前所認路股於本月二十四日下午二句鐘惠臨集議彙繳惟茲事關係湖墅大局公司俯如所請改築路線所費甚鉅應請各商號業主再行續認路股以資補助

北洋官報彙編

憲政調查類

憲政編查館奏定統計表總例

一古無統計之名而有統計之法禹貢周官流傳最久漢張蒼主郡國上計尤爲顯證史表昉自馬遷而表體仿自周讜統計必以表式行之蓋取考校簡明之意今以統計而兼調查並非全襲西文亦是闡明舊法

二統計事項自部院以至外省一切政治無所不包惟部表省表其體質各有所宜其格式不能無別州縣鄉鎮爲政治之所由起卽統計之所由生尤應分定表式頒由督撫通行各屬一體遵行

三統計以年鑑爲名亦古史編年之一體斷限不可不清登記不可不備今以光緒三十三年爲斷爲第一次統計之期以示標準而昭畫一至各國會計年度不必盡從正月起算中國向有年終奏報之例而錢糧銷限亦復不同惟在本屆勦辦之初首尾時期尙難確定祇能按照年分自正月至十二月以爲起訖俟後改定年度再行分飭照辦

四統計門類各國不同惟各部爲政事總匯之區最可爲門類區分之準而每類立表之多寡卽隨各部統事之繁簡以爲衡其有聯屬管理之端應有參互考證之事如官職隸於吏部而俸祿分掌度支製造隸於工商而路電分歸郵傳義無偏廢責有專司依類分門務期詳密

五門類之中有綱有目總表分表之外又有總中之總分中之分一氣相生不容舛異如由縣而彙於省由省而復彙於部則省爲總表而部乃總中之總也由省而析爲縣由縣而復析爲鄉則縣爲分表而鄉乃分中之分也由此類推綱目繁多表式不必盡具應由各部各省觸類旁通不得以表式所無遂多漏略

六統計雖憑學理要必根據事實現當預備立憲之時因仍舊貫之中亦各兼參新法有各國所有而中國不必備者有各國所無而中國不可缺者爲勦爲因均宜斟酌如疆域之經緯道里戶口之增減死生等項雖一時測量清查未能精核而統計必不可少卽表式必不能無自應趕速分查先填梗概以期由略而詳由粗而細

七統計以核實爲要義如計遠近則須里步分明計出納則必數目符合方能事皆翔實詞非蹈空向來各省例報

冊案久已視同故事文具徒存此次辦理統計乃係新政第一要務與尋常例牘不同不得捏飾遷延稍仍沿積習致煩駁詰

八統計之法必有比較乃有競爭惟中國地廣政繁開辦之初調查一年事實已恐艱於著手再令通查比較必致混淆推諉莫與觀成茲特從二十三年先行辦起基礎既立以後逐年考校庶易爲功間有一二表式開列數年皆其易知易行不得藉此推展

九表內格式以縱爲經以橫爲緯大抵不外分地分事分期分款四者而已其有一事而經緯互行各有取材並非重複間存空式以備變通如有一表不能盡註則分兩表三表或用連篇展接均無不可

十表中名詞皆係官書通用易於解識惟舊制新章各省更改未能一律如審判廳巡警道等有已設者有未設者表中兼列二名以備分註又有本年業經更改而二十三年尙沿舊制者應仍照舊分填另於備考聲明以期清晰而昭實在

十一統計概按一年一報如有特別事項隨時行查報告不拘此限其各省州縣局所通報督撫事件有應按月按季具報者另由督撫自行酌定通飭遵辦現查三十三年事實大致均應通報有案雖新舊式有不同而已過之事覆查亦易應自奉到表式之日起限半年內依式填報咨送到館不得遲逾卽有必須行查州縣補報之處祇准展限一月一律齊集不准再延

十二填註表式之法恐有誤會均經按表另加解說以便各省照辦如有疑義仍未明晰之處准其隨時列款咨詢或由各省調查局徑請核示均無不可至各省填送表式如有沿用名詞不甚明顯者均各查明案據另加註釋記於表中備考之下以免往返行查之煩

十三表式大小必須一律整齊現定表紙長以營造尺一尺二寸爲準寬以營造尺九寸爲準至表內縱橫格式可單可複可增可減不拘一格填注字數繁多縱格不足則以橫格展寬橫格不足則以縱格放長務以詳盡爲斷惟於紙式尺寸不得擅改

十四表中填用數目計銀以兩爲單位計重以石爲單位其有分表應記細數者另於表中旁注單位名目仍於兩

平和戒烟醫局告白

啓者本局自上年冬月開設以來到局戒烟者頗不乏人歷著奇效祇因爲日甚長自不得不酌收藥資以助經費乃近日有多人踵門問訊之後因此裏足不前者殊失本局濟世之本意茲定於二月初一日起至三月底止暫行贈醫三個月凡一切藥資脉金分文不取除在局門標貼長條俾衆週知外特再登報宣布如四方有志自強而願除痼疾者速趁此三個月內到局診視時不可失尙望踴躍爭先切勿遲疑自誤是則所深願而切盼者也此佈

東城王府井大街平和戒烟醫局總理鹿澍理等同人告白

再啟者本醫局志願宏大大欲胥此中國一洗沉痾延來四川老醫士鄧益堂先生醫學精通且於戒烟方劑尤著神效但須逢人按脉診視與尋常戒烟丸散迥不相同今老醫士欲將生平學業奇術秘方播傳於世惟必須得顯悟之士素行清潔宅心正大方能傳授茲擬暫招學生十人每月自備膳費六元在局住宿朝夕討論如不能住局早來晚去亦聽便一俟學成之後即便推廣各省設立分局以廣流傳而普拯濟如有志救時情願來局受業者速覓妥保到局報名以便老醫士面試數日分別去取所有課程及畢業日期另續定詳細章程請到局閱看可也再佈

平和戒烟醫局謹再白

順天府尹凌大人捐庫平銀二百兩

分省知縣鄭寶麟捐京足銀四十三兩

晉省隱名氏集捐公砒平銀一千零八十八兩

甘肅舉人趙椿年捐洋十元

山東撫台袁捐洋四百元

直隸道台葉增濤捐洋六十元

候補京堂張大人煜南捐洋二千元

張仲仁捐洋二十元

山東運台崔大人鍾善捐京足銀五百兩

丁春之捐洋十四元

福建臬台鹿大人學良捐京松銀五百兩

鍾蕪泉捐洋十元

上海道台蔡乃焯捐京足銀二百兩

汪鶴齡捐洋八元

陝西藩庫廳沈錫榮捐京足銀一百兩

張信初捐洋八元

北京王府井大街平和戒烟醫局鳴謝清單

北洋灤州官礦有限公司付息廣告

啟者查本公司定章每屆二月會議三月付息現時井工正在趨辦股東會尙未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日爲始外埠以三月十六日爲始屆時請各股東攜帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 三岔河口玉皇閣本公司總理處北馬路天津銀號
北京 保定 上海 漢口 唐山 張家口天津分銀號

同啟

常州儒醫

秦小和男婦大小方脈

門診大洋一元 出診兩元寓吉陞棧內

利文齋

本行開設天津上海香港志呢華海參巖等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行主人啟

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器珐藍 奇巧美術玩器 日用雜貨俱全 學界文房用品 旅行攜帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啟

瑞林祥元記 緞洋貨

本號開設（北京前門外鮮魚口）（天津估衣街中間路北）（山東濟南府院西路北）等處 自置綢緞洋貨顧繡粧蟒花素貢絨緞各色抖蓬哈叻厚呢以及京廣什貨織絨綫貨各色 俱全貨高價廉劃一不二中外 紳商賜顧移玉是幸 瑞林祥元記具

啓新洋灰有限公司廣告



啓者本公司係承受唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁杏准農工商部註冊立案上
 年購到外洋最新式機器全副去臘業已開機所出之灰據西洋化學師疊次
 考驗拉力結力俱高出外洋之貨且機器加大出灰足數主顧購用尙有製造
 之缸磚花磚洋灰瓦水溝管子等項無論躉零售交易均可本公司總理處
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成
 本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股
 東願入此股者請自二月十六日起兩個月內先將認定之股數函示註冊該股款於註冊後兩個月內全數交
 齊即以交款之日起息如欲詢詳細辦法請惠臨天津海大道本公司面談可也此布

啓新洋灰有限公司分派第二期年息紅利廣告

敬啓者本公司應派上年年息紅利定於閏二月初一日起憑息單發給並分送帳略務祈在股諸君屆期到天
 津海大道本公司總理處領取如南省股東亦可將息單交上海天津分銀號承接寄津代取不計匯費惟津滬往
 返函寄約需一月屆時望持該號收條領取息單可也

欲為諮議局議員者驗金

總發行所 上海商務印書館
分設 京師 天津 太原 成都 漢口 福州 奉天 濟南 開封 重慶 長沙 廣州

今年九月各省開辦諮議局 議員責任綦重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法法書百餘種 茲選其尤簡要而又有合於斯四者 分別列目 幸垂鑒焉

◎普通政法法書 法學通論七角 法制經濟通論四角 政法理財科講義五角 日本法制要旨一元 日本明治法制史九角 政治講義五角 法律經濟辭典七角 法規大全解字四角

◎憲法書 政治學及比較憲法論五角 憲法研究書一元 憲政論五角 日本憲法義解三角 本預備立憲過去事實五分 立憲國民讀本三角

◎議會書 日本議會法規四角 議會政黨論五角 十六國議院典例一元 日本議員必攜八角

◎地方自治書 日本議會法規四角 自治論七角 歐洲大陸市政論四角 地方自治財政論五角 地方自治淺說三角 此外政法書 ○法律 有日本法規大全

○政治 有列國政要三十二冊 政治學一元 那特經政治學四角 政治法論一元 行政法各論六角 民法原論二元 日本六法全書五角 比較國法學七角 國法學一元 行政法論一元 行政法各論六角 民法原論二元

○社會通詮 嚴復羣學肆言一元 嚴復羣己權界論八角 ○財政 有經濟通論七角 理財新義五分 英國史元歐美教育實際二元 德國學校制度四角 ○警察 有警察講義錄十五元 ○教育 有日本明治學制沿革

有餘力而兼治之則受益無窮矣 ○尚有諮議局章程箋釋四冊 諮議局章程要義五分 諮議局調查須知五分 諮議局選舉須知一冊 諮議局章程表解九冊 人人所必讀無待贅言也 (河北大胡同電話)

五五二一六號)

五五二一六號)

五五二一六號)

五五二一六號)

五五二一六號)

天津商務印書館廣告

本局印售各種書籍圖畫目錄

澄衷學堂字課圖說

天文歌略

地球歌略

小學韻言

蒙養學堂百課

最新初等小學國文教科書

初等中國歷史教科書

心算初學

最新初等小學筆算教科書
初等小學筆算教科書教授法

忠經

英文學隔

東文典問答

地文學問答

皇朝政治學問答增校初二編

節本泰西新史攬要

筆算教科書

數學上編

普通新智識課本

中等植物教科書

中學礦物教科書

高等小學博物教科書

生理衛生學

化學教科書

中學地理中國誌

八本洋二元

一本洋三分

一本洋一角五分

二本洋二角

一本洋一角五分

一本洋四分

二本洋三角二分

二本洋一元

二本粉紙洋五角

二冊洋三角六分

一本粉紙洋六分

一本洋二角

二本洋二角五分

二本洋五角

二本粉紙洋四角

二本粉紙洋三角五分

二本粉紙洋四角

二本粉紙洋五角

二本粉紙洋四角

一本粉紙洋四角

一本粉紙洋三角五分

四本洋六角

植物學教科書

皇朝政典舉要

萬國憲法比較一本

法學通論

萬國通商史

新爾雅

康熙幾暇格物編

周禮政要

明夷待訪錄

普通教科書目提要

科學書目提要初編

心算教授法

萬國公法提要

甲辰學報彙編一百種

乙巳學報彙編

丙午學報彙編

全年學報彙編

農學新書三十五種

日本栽桑捷法

美國養雞法

農務述聞

畿輔輿地全圖

朝鮮輿地全圖

地球開闢次序圖

一本粉紙洋二角五分

四本洋五角

一本粉紙洋三角五分

一本洋七角

一本洋二角

二本洋三角五分

二本洋四角

二本洋六角

一本洋二角

一本洋五分

一本洋一角五分

一本粉紙洋三角五分

四本洋一元

五十本洋二元七角

四十本洋四元二角

廿四本洋四元八角

廿二本洋五元六角

一本洋一角二分

一本洋四角

一本洋三角六分

六扇屏洋二元

二册洋五角

一册洋一角

三十二張洋一元
一張洋八角

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分

法政學報十日一册每月三册收價洋六角零購者每册二角

兩種合購每月收洋一圓二角

各州縣報價交銀者除額定銷數照舊收銀九錢外額外分購者統照本埠售例

綠色條胰出現廣告

本場為提倡高等成色條胰起見不計本利力求料實耐用洗濯異常滑快經久絲毫不抽委與外洋白條胰相頡頏而價值格外低廉如蒙購用即知此胰貨高價廉便宜合算 賜顧者請至北馬路售品總所或本場售品處零整均可面議一為試用定當爭購此佈

天津河北實習工場謹白

大清銀行廣告

大清銀行現定三月初六日在京師虎坊橋湖廣會館照章開股東會議屆期務祈 光臨並先於閏二月十五日起分派老股新股官餘利請附股諸君持摺來行取息特此白